



PAENITENTIARIA APOSTOLICA

Prot. N. 589/13/I

DECRETUM


Sanctissimus Pater Franciscus, a Reverendissimo Patre Henrico Walter, Moderatore Generali Instituti Schönstatt Patrum et Praeside Generalis Praesidii Operae Internationalis de Schönstatt, certior factus de iubilariis celebrationibus, quibus commemoretur dies centesimus anniversarius, ex quo Servus Dei Iosephus Kentenich, presbyter tunc e Societate Apostolatus Catholici, religiosae renovationis summopere sollicitus, in loco Schönstatt prope oppidum Vallendar praedictam fundavit Operam per consecrationis Actum, seu amoris foedus, Mariae sub invocatione Matris Reginae et Victricis ter Admirabilis, piis fidelibus de Divino munere gratificari cupiens, pro sua erga universalem Ecclesiam amantissima sollicitudine et peculiari affectione erga sodales Internationalis Operae de Schönstatt, *plenariam* benigne largitur *Indulgentiam*, suetis condicionibus (sacramentali confessione, eucharistica communione et oratione ad mentem Summi Pontificis) rite adimpletis, omnibus iubilariis Operae sodalibus aliisque christifidelibus vere paenitentibus, unitis cordibus cum spiritalibus Fidei Anni finibus, a proximo die XVIII Octobris usque ad diem XXVI Octobris MMXIV lucranda, si cui anniversariae celebrationi vel pio exercitio devote interfuerint vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque B. Virginis Mariae, Matris Reginae et Victricis Ter Admirabilis: quolibet die in loco Schönstatt, diebus festis rite determinandis in Urbe necnon in omnibus et singulis de Schönstatt sacellis toto orbe diffusis.

Operae sodales qui, propter infirmitatem aliasve graves causas impediuntur iubilariis celebrationibus interesse possint, in loco, ubi impedimentum eos detinet, *plenariam* consequi valebunt *Indulgentiam*, concepta detestatione cuiusque peccati, et intentione praestandi, ubi primum licuerit, tres consuetas condiciones, si sacris ritibus se spiritaliter adiunxerint, precibus atque doloribus suis vel incommodis propriae vitae misericordiae Deo per Mariam oblatis.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentiaria enixe rogat ut Patres et Sacerdotes de Schönstatt sodales prompto et generoso animo celebrationi Paenitentiae sese praebeant et S. Communionem infirmis saepe ministrent.

Praesenti totum per iubilarem annum valituro. Contrariis quibuslibet non obstantibus.

Datum Romae, ex aedibus Paenitentiarum Apostolicarum, die II mensis Octobris anno MMXIII.


Maurus Card. Piacenza
MAURUS S. R. E. Card. PIACENZA
Paenitentiarius Maior
Christophorus Nykiel
CHRISTOPHORUS NYKIEL
Regens